

Na osnovu člana 16. stav 4. Zakona o Vladi Zeničko-dobojskog kantona–Prečišćen tekst („Službene novine Zeničko-dobojskog kantona”, broj: 7/10 i 3/23), na prijedlog ministra Ministarstva za rad, socijalnu politiku i izbjeglice, Vlada Zeničko-dobojskog kantona na 47. sjednici, održanoj 20.09.2024. godine, d o n o s i

ZAKLJUČAK

I.

Daje se saglasnost na Program obilježavanja „Dječije nedjelje“ u Zeničko-dobojskom kantonu za 2024. godinu, broj: 09-11-12803-6/24 od 10.09.2024. godine, koji čini sastavni dio ovog Zaključka.

II.

Zadužuju se Ministarstvo za rad, socijalnu politiku i izbjeglice, kao pokrovitelj aktivnosti i JU Centar za djecu i odrasle s posebnim potrebama Zeničko-dobojskog kantona, kao nosilac aktivnosti, da u skladu sa zakonom i podzakonskim aktima, realizuju aktivnosti iz Programa iz tačke I. ovog Zaključka, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/24

Datum, 20.09.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,

1x JU Centar za djecu i odrasle s posebnim potrebama

Zeničko-dobojskog kantona, putem Ministarstva,

1x a/a.

Na osnovu člana 135. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16, 16/22 i 8/24) i Programa utroška sredstava planiranih Budžetom Zeničko-dobojskog kantona za 2024. godinu u Ministarstvu za rad, socijalnu politiku i izbjeglice, broj: 02-11-1831/24 od 29.01.2024. godine, broj: 02-11-6495/24 od 29.03.2024. godine, broj: 02-11-13114/24 od 19.07.2024. godine i broj: 02-11-15066/24 od 30.08.2024. godine, a nakon okončane procedure po Javnom pozivu za odabir programa za organizaciju centralne manifestacije posvećene obilježavanju dana „Dječija nedjelja“ za 2024. godinu, ministar Ministarstva za rad, socijalnu politiku i izbjeglice, d o n o s i

P R O G R A M

obilježavanja „Dječije nedjelje“ u Zeničko-dobojskom kantonu za 2024. godinu

I. Uvodne napomene

U skladu sa članom 32. stav (3) Zakon o materijalnoj podršci porodicama s djecom u Federaciji Bosne i Hercegovine i članom 134. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16, 16/22 i 8/24, u daljem tekstu: Kantonalni zakon) prva sedmica u mjesecu oktobru je određena kao „Dječija nedjelja“ na teritoriji Federacije BiH.

Za obilježavanje „Dječije nedjelje“ Programom utroška sredstava planiranih Budžetom Zeničko-dobojskog kantona za 2024. godinu u Ministarstvu za rad, socijalnu politiku i izbjeglice, broj: 02-11-1831/24 od 29.01.2024. godine, broj: 02-11-6495/24 od 29.03.2024. godine, broj: 02-11-13114/24 od 19.07.2024. godine i broj: 02-11-15066/24 od 30.08.2024. godine, na poziciji budžeta „Tekući transfer iz prihoda za obilježavanje Dječije nedjelje“, planirana su sredstva u iznosu od 25.000,00 KM.

Odabir programa za obilježavanje „Dječije nedjelje“ izvršen je nakon okončane procedure raspisivanja javnog poziva. Pravilnikom za bodovanje, ocjenu i odabir programa posvećenog obilježavanju dana „Dječija nedjelja“ iz sredstava Budžeta Zeničko-dobojskog kantona predviđenih za 2024. godinu, broj: 09-11-12803-1/24 od 15.07.2024. godine, propisano je da će biti finansiran program za organizaciju centralne manifestacije posvećene obilježavanju dana „Dječija nedjelja“ koji nakon ocjenjivanja bude imao najveći broj bodova. Komisija je predložila program JU Centra za djecu i odrasle s posebnim potrebama Zeničko-dobojskog kantona. Aktom Federalnog ministarstva rada i socijalne politike broj: 05-11/12-2102/24 od 23.08.2024. godine predloženi period za obilježavanje „Dječije nedjelje“ u 2024. godini je od 07. do 13. oktobra 2024. godine. U skladu sa navedenom procedurom odabira programa i članom 135. Kantonalnog zakona, ministar Ministarstva za rad, socijalnu politiku i izbjeglice donosi Program obilježavanja „Dječije nedjelje“ u Zeničko-dobojskom kantonu za 2024. godinu.

II. Program obilježavanja „Dječije nedjelje“

Na području Zeničko-dobojskog kantona „Dječija nedjelja“ će se obilježiti organizovanjem i provođenjem planiranih programskih aktivnost za obilježavanje „Dječije nedjelje“ u Zeničko-dobojskom kantonu u okviru centralne manifestacije pod nazivom:

Naziv programa: „Podijelimo radost, znanje i ljubav“
Vrijeme: od 01. do 13. oktobar 2024. godine

Nosilac aktivnosti: JU Centar za djecu i odrasle s posebnim potrebama Zeničko-dobojskog kantona

Pokrovitelj: Ministarstvo za rad, socijalnu politiku i izbjeglice

Odobrena sredstva: 25.000,00 KM

Opis aktivnosti: Centralna manifestacija za Dječiju nedjelju održati će se u Žepču.

Manifestacija će sadržavati sportske, kulturne, edukativne, i muzičke sadržaje, kojima će prethoditi i niz događaja upriličenih i u drugim općinama Zeničko-dobojskog kantona. Dječija nedjelja zamišljena kao promocija saradnje javnog i nevladinog sektora (kroz direktnu suradnju najmanje tri javne institucije i šest nevladinih organizacija), transfer znanja, upotreba novih tehnologija, zagovaranje o nenasilju i starosnoj i rodnoj ravnopravnosti, kao i na inkluzivnosti i osigurati će veliki broj učesnika (očekuje se preko 500 učesnika, oko 4.000 posjetilaca, min.50 učenika će steći nova znanja, min.50 učenika će ojačati svoje kapacitete za promociju dječijih prava i nenasilnu komunikaciju, 100 mladih će se kroz posjetu Dječijeg parlamenta Vladi i Skupštini Zeničko-dobojskog kantona upoznati sa funkcionisanjem vlasti u Zeničko-dobojskom kantonu). U sklopu manifestacije realizovati će se sljedeće aktivnosti: sportske igre na stadionu, maskenbal i ulična zabava uz animatore, nastup „Kike budalike“, takmičenja u kuhanju po općinama našeg kantona, finale kuharskog natjecanja u Žepču i velika roštiljada, psihološko-dramaturška radionica sa predstavom koja promovira inkluziju, radionica sa psihologom o nenasilnoj komunikaciji za mlade u tri škole, koncert na trgu uz domaće grupe i izvođače iz drugih gradova, radionice 3D modeliranja kao biznisa budućnosti za mlade, uključujući i osobe s posebnim potrebama u tri strukovne škole, takmičenje za najbolje fotografije i video o inkluziji kao brendu Zeničko-dobojskog kantona, obilazak vrtića od strane predstavnika JU Centar za djecu i odrasle s posebnim potrebama Zeničko-dobojskog kantona s poklonima, prezentacija stanja rane intervencije, posjeta Dječijeg parlamenta Vladi i Skupštini Zeničko-dobojskog kantona gdje će se mladi upoznati sa funkcionisanjem vlasti u Zeničko-dobojskom kantonu. Sve navedene aktivnosti će JU Centar za djecu i odrasle s posebnim potrebama Zeničko-dobojskog kantona realizovati u suradnji sa partnerima iz javnog i nevladinog sektora.

Ukupna vrijednost programa iznosi 35.900,00 KM, od čega je 25.000,00 KM odobreno od strane Ministarstva za rad, socijalnu politiku i izbjeglice, dok je 10.900,00 KM vlastitih sredstava osigurano iz donacija u partnerstvu sa: Udruženje „DLAN“ Zenica, Ustanova za prihvatanje i odgoj djece „Mala škola“ Vareš, JU za informiranje i kulturu „Dom kulture“ Žepče, radio Žepče, Prmedia-Agencija za promociju, reklamu i PR Zenica, općina Vareš, Asocijacija „Pravo Dobro“ Sarajevo, Udruga mladih „DOM“ Žepče, Udruženje roditelja, staratelja i prijatelja djece i odraslih osoba sa posebnim potrebama i korisnika Dnevnog Centra Visoko „NAŠE SUNCE“.

III. Završne odredbe

Program obilježavanja „Dječije nedjelje“ u Zeničko-dobojskom kantonu objavit će se na službenoj web stranici Zeničko-dobojskog kantona (www.zdk.ba).

Broj: 09-11-12803-6/24
Zenica, 10.09.2024.godine

